

Svar

Samgöngu- og sveitarstjórnarráðherra við fyrirspurn frá Höllu Signýju Kristjánsdóttur um opinber störf utan höfuðborgarsvæðisins.

1. *Hversu mörg störf eru á vegum ráðuneytisins og stofnana þess utan höfuðborgarsvæðisins? Óskað er eftir sundurliðun eftir stofnunum og landshlutum.*

Fjöldi starfa á vegum ráðuneytis og stofnana utan höfuðborgarsvæðis eru 52. Flest þeirra eru á Norðurlandi eða um 45 störf, 6 störf eru á Vesturlandi og 1 starf er á Austurlandi.

Stofnun	Heildarfjöldi starfsmanna	Fjöldi starfa utan höfuðborgarsvæðis	Suður-land	Vestur-land	Norður-land	Austur-land
Byggðastofnun	26	26		1	25	
Samgöngustofa	135	3		3		
Samgöngu- og sveitarstjórnarráðuneyti	44					
Rannsóknarnefnd samgönguslysa	20	2		2		
Póst- og fjarskiptastofnun	24					
Þjóðskrá Íslands	116	21			20	1

2. *Telur ráðherra að unnt sé að láta vinna fleiri störf á vegum ráðuneytisins eða stofnana þess utan höfuðborgarsvæðisins?*

Já.

3. *Hyggst ráðherra færa störf út á land á vegum ráðuneytisins eða stofnana þess, sbr. markmið byggðaáætlunar og áform ríkisstjórnarinnar í samstarfssáttmála um að stefna skuli að því að auglýsa störf án staðsetningar?*

Með aukinni samskiptatækni, háhraðafjarskiptateningum um allt land ásamt greiðum samgöngum er nú hægt að vinna skipulega að því marki án þess að það sé einhver vandi að fólk vinni saman sem staðsett er víða um land. Ráðherra mun nú skoða málið heildstætt og fylgja markmiði byggðaáætlunar sem segir að 10% allra auglýstra starfa í ráðuneytum og stofnunum þeirra verði án staðsetningar árið 2024, þannig að búseta hafi ekki áhrif við val á starfsfólki í ráðuneytum. Margar stofnanir ráðuneytisins eru nú þegar með starfsstöðvar um land allt sem skoða þarf hvort nauðsynlegt sé að styrkja.